



Rabu, 22 Maret 2023
Ogen : Keluaren 15:22-27



Perlu Lau



Adi melihe kam banci itambari alu lau, tapi adi muas la banci itambari alu nakan”, kata enda nuriken uga pentingna lau bas kegeluhen. Teptep wari kita perlu lau, si erbahanca kita bersih, segar, sikap ras sidebanna. Adi la lit lau geluh pe melket, meluat la entabeh ras sidebanna. Lau e pemere Dibata si merherga, si arus tetap sijaga dengen sirawat.

Turi-turin bangsa Israel kenca ndarat i taneh Mesir nari, bas perdalanen i gurun pasir, mesera muat lau, lit 3 wari dekahna la jumpa lau. Muas, tuhu enggo seh muasna sabap cuaca si melas pe jadi bas ingan e. La ndekahsa jumpa lau, tapi lau e seh pagitna. Situasi enda erbahanca turah jungut-jungut, rawa dengen ngasak Musa segelah mereken lau inemen. Ertoto me Musa, alu meseksek, janah ituduhkan Dibata me sada batang kayu, ibenterken Musa batang kayu e ku lau piah dungna salih me lau si pagit ndai jadi lau meciho si banci iinem.

Arah si enda teridah maka Dibata makeken batang kayu guna ngubah lau. Batang kayu e mbelin ngaruhna man lau. La terjeng ngubahken lau jadi meciho, tambar muas tapi lebi asa si e batang kayu e banci njamin kiniliten lau e tetap lit, ingan ulu lau dengen terjaga. Genduari uga dage kecibal lau ras batang kayu ndai? Enterem sierlumba nabah batang kayu, ras enterem ka si erlumba erbahan sumor bor segelah minter jumpa lau. Si jadi perenungen banci nge ndia lau e pagi tetap terjaga? Entah enggo pagit dengen peturah perubaten sada ras sidebanna? Mekatep sikataken doni enda me nande, janah kita me nande sioratna min njaga segelah doni enda tetap terjaga alu pekenakena batang kayu ras lau. Ingetlah maka kegeluhen la terpesirang ras lau.

Anak kemputa si pe pagi pe tetap perlu lau emaka rawatlah